

**GENERALIZACIJA JEDNE GEOMETRIJSKE
NEJEDNAKOSTI O TROUGLU**
(Generalization of one geometric inequality on triangle)

Šefket Arslanagić¹ i Naida Bikić²

Sažetak: U radu je data generalizacija jedne geometrijske nejednakosti koja se odnosi na dužine stranica a, b, c trougla $\triangle ABC$.

Cljučne riječi: geometrijska nejednakost o trouglu, nejednakost između aritmetičke i geometrijske sredine, nejednakost Koši-Bunjakovski-Švarca, nejednakost Čebiševa, simetrična nejednakost, konveksna funkcija, Jensenova nejednakost.

Abstract: In this paper we give the generalization of one geometric inequality on triangle for the sides a, b, c of triangle $\triangle ABC$.

Key words: geometric inequality on triangle, *AM-GM* inequality, inequality of Cauchy-Buniakowsky-Schwarz, inequality of Chebishev, symmetric inequality, convex function, Jensen's inequality.

AMS Subject Classification (2010): **51M94, 97G40**

ZDM Subject Classification (2010): **G40**

Počecemo sa dokazom nejednakosti koja se odnosi na dužine stranica a, b, c trougla $\triangle ABC$ koja glasi

$$\frac{a}{b+c-a} + \frac{b}{c+a-b} + \frac{c}{a+b-c} \geq 3. \quad (1)$$

Dokaz 1. Kako je $b+c-a > 0$, $a+c-b > 0$ i $a+b-c > 0$ (nejednakosti trougla), to imamo na osnovu nejednakosti između aritmetičke i geometrijske sredine za tri pozitivna broja

$$\frac{a}{b+c-a} + \frac{b}{c+a-b} + \frac{c}{a+b-c} \geq 3 \sqrt[3]{\frac{a}{b+c-a} \cdot \frac{b}{c+a-b} \cdot \frac{c}{a+b-c}}. \quad (2)$$

¹ Prirodno-matematičku fakultet u Sarajevu, Odsjek za matematiku, Zmaja od Bosne 35, 71000 Sarajevo, BiH; e-mail: asefket@pmf.unsa.ba

² Filozofski fakultet Univerziteta u Zenici, Odsjek za matematiku i informatiku, Zmaja od Bosne 56, 72100 Zenica, BiH; e-mail: naida.bikic@hotmail.com

Koristeći poznatu nejednakost (1.3. iz [3])

$$(b+c-a)(c+a-b)(a+b-c) \leq abc,$$

dobijamo iz (2)

$$\frac{a}{b+c-a} + \frac{b}{c+a-b} + \frac{c}{a+b-c} \geq 3,$$

a ovo je nejednakost (1). Vrijedi jednakost u (1) ako i samo ako je $a=b=c$ (jednakostranični trougao).

Dokaz 2. Koristeći nejednakost Koši-Bunjakovski-Švarca za $n=3$, tj.

$$(a_1b_1 + a_2b_2 + a_3b_3)^2 \leq (a_1^2 + a_2^2 + a_3^2)(b_1^2 + b_2^2 + b_3^2)$$

gdje $a_1, a_2, a_3, b_1, b_2, b_3 \in \mathbb{R}$, dobijamo

$$\begin{aligned} & [a(b+c-a) + b(c+a-b) + c(a+b-c)] \cdot \left(\frac{a}{b+c-a} + \frac{b}{c+a-b} + \frac{c}{a+b-c} \right) \geq (a+b+c)^2 \\ \Leftrightarrow & \frac{a}{b+c-a} + \frac{b}{c+a-b} + \frac{c}{a+b-c} \geq \frac{(a+b+c)^2}{2ab+2bc+2ac-a^2-b^2-c^2}. \end{aligned} \quad (3)$$

Dokazaćemo sada da vrijedi nejednakost

$$\begin{aligned} & \frac{(a+b+c)^2}{2ab+2bc+2ac-a^2-b^2-c^2} \geq 3 \quad (4) \\ \Leftrightarrow & (a+b+c)^2 \geq 6ab+6bc+6ac-3a^2-3b^2-3c^2 \\ \Leftrightarrow & 4a^2+4b^2+4c^2 \geq 4ab+4bc+4ac \\ \Leftrightarrow & 2[(a-b)^2+(b-c)^2+(c-a)^2] \geq 0, \end{aligned}$$

a ova nejednakost je tačna, pa je tačna i nejednakost (4). Sada, iz nejednakosti (3) i (4), dobijamo nejednakost (1).

Dokaz 3. Iz nejednakosti (1.15 iz [3]) koja glasi

$$\frac{1}{b+c-a} + \frac{1}{c+a-b} + \frac{1}{a+b-c} \geq \frac{9}{a+b+c} \quad (5)$$

dobijamo

$$\begin{aligned} & \frac{a+b+c}{b+c-a} + \frac{a+b+c}{c+a-b} + \frac{a+b+c}{a+b-c} \geq 9 \\ \Leftrightarrow & \frac{(b+c-a)+2a}{b+c-a} + \frac{(c+a-b)+2b}{c+a-b} + \frac{(a+b-c)+2c}{a+b-c} \geq 9 \\ \Leftrightarrow & 3 + 2 \left(\frac{a}{b+c-a} + \frac{b}{c+a-b} + \frac{c}{a+b-c} \right) \geq 9 \\ \Leftrightarrow & \frac{a}{b+c-a} + \frac{b}{c+a-b} + \frac{c}{a+b-c} \geq 3, \end{aligned}$$

a ovo je nejednakost (1).

Dokaz 4. Nejednakost (1) je simetrična, pa ne umanjujući opštost možemo uzeti da je $0 < a \leq b \leq c$, a odavde slijedi $b+c-a \geq c+a-b \geq a+b-c$, te $\frac{1}{b+c-a} \leq \frac{1}{c+a-b} \leq \frac{1}{a+b-c}$. Sada, na osnovu nejednakosti Čebiševa za nizove brojeva (a, b, c) i $\left(\frac{1}{b+c-a}, \frac{1}{c+a-b}, \frac{1}{a+b-c}\right)$ koji su jednako usmjereni, dobijamo

$$\frac{a}{b+c-a} + \frac{b}{c+a-b} + \frac{c}{a+b-c} \geq \frac{1}{3}(a+b+c) \left(\frac{1}{b+c-a} + \frac{1}{c+a-b} + \frac{1}{a+b-c} \right),$$

a odavde zbog nejednakosti (5) dobijamo datu nejednakost (1).

Sada ćemo dati više dokaza nejednakosti koja se odnosi na dužine a, b, c stranica trougla koja glasi

$$\frac{a^2}{b+c-a} + \frac{b^2}{c+a-b} + \frac{c^2}{a+b-c} \geq a+b+c. \quad (6)$$

Dokaz 1. Opet ćemo koristiti nejednakost Koši-Bunjakovski-Švarca za $n=3$. Imamo

$$\begin{aligned} & [(b+c-a)+(c+a-b)+(a+b-c)] \cdot \left(\frac{a^2}{b+c-a} + \frac{b^2}{c+a-b} + \frac{c^2}{a+b-c} \right) \geq (a+b+c)^2 \\ \Leftrightarrow & \frac{a^2}{b+c-a} + \frac{b^2}{c+a-b} + \frac{c^2}{a+b-c} \geq \frac{(a+b+c)^2}{a+b+c}, \text{ tj.} \end{aligned}$$

$$\frac{a^2}{b+c-a} + \frac{b^2}{c+a-b} + \frac{c^2}{a+b-c} \geq a+b+c,$$

a ovo je nejednakost (6). Vrijedi jednakost u (6) ako i samo ako je $a = b = c$.

Dokaz 2. Za ovaj dokaz ćemo koristiti nejednakost (1) iz [2], str, 53 koja glasi

$$\frac{a^2}{x} + \frac{b^2}{y} + \frac{c^2}{z} \geq \frac{(a+b+c)^2}{x+y+z}, \quad (7)$$

gdje su $x, y, z > 0$ i $a, b, c \in \mathbb{R}$.

Dobijamo, sada, na osnovu jednakosti (7):

$$\frac{a^2}{b+c-a} + \frac{b^2}{c+a-b} + \frac{c^2}{a+b-c} \geq \frac{(a+b+c)^2}{b+c-a+c+a-b+a+b-c}, \text{ tj.}$$

$$\frac{a^2}{b+c-a} + \frac{b^2}{c+a-b} + \frac{c^2}{a+b-c} \geq \frac{(a+b+c)^2}{a+b+c},$$

a odavde slijedi nejednakost (6).

Dokaz 3. Ovdje ćemo opet koristiti nejednakost Čebiševa. Pošto je nejednakost (5) simetrična, to ne umanjujući opštost možemo uzeti da je $0 < a \leq b \leq c$, te $a^2 \leq b^2 \leq c^2$ i $b+c-a \geq c+a-b \geq a+b-c$, a odavde

$$\frac{1}{b+c-a} \leq \frac{1}{c+a-b} \leq \frac{1}{a+b-c}.$$

Sada, na osnovu nejednakosti Čebiševa, dobijamo

$$\frac{a^2}{b+c-a} + \frac{b^2}{c+a-b} + \frac{c^2}{a+b-c} \geq \frac{1}{3}(a^2+b^2+c^2) \left(\frac{1}{b+c-a} + \frac{1}{c+a-b} + \frac{1}{a+b-c} \right),$$

a odavde, na osnovu nejednakosti (5), slijedi

$$\frac{a^2}{b+c-a} + \frac{b^2}{c+a-b} + \frac{c^2}{a+b-c} \geq \frac{a^2+b^2+c^2}{3} \cdot \frac{9}{a+b+c}. \quad (8)$$

Kako je

$$3(a^2+b^2+c^2) \geq (a+b+c)^2$$

$$\Leftrightarrow (a-b)^2 + (b-c)^2 + (c-a)^2 \geq 0,$$

to iz (8) odmah dobijamo nejednakost (6).

Dokaz 4. U ovom dokazu ćemo koristiti Jensenovu nejednakost. Koristićemo funkciju $f : (0, s) \rightarrow (0, +\infty)$ koja glasi $f(x) = \frac{x^2}{2(s-x)}$; ($0 < x < s$), gdje je $s = \frac{1}{2}(a+b+c)$ poluobim trougla. Kako je $f''(x) = \frac{s^2}{(s-x)^3} > 0$, to je funkcija f konveksna pa na osnovu Jensenove nejednakosti imamo

$$f(a) + f(b) + f(c) \geq 3f\left(\frac{a+b+c}{3}\right), \text{ tj.}$$

$$\frac{a^2}{2(s-a)} + \frac{b^2}{2(s-b)} + \frac{c^2}{2(s-c)} \geq 3f\left(\frac{2s}{3}\right) = 3 \cdot \frac{\frac{4s^2}{9}}{2\left(s - \frac{2s}{3}\right)} = 2s,$$

odnosno

$$\frac{a^2}{b+c-a} + \frac{b^2}{c+a-b} + \frac{c^2}{a+b-c} \geq a+b+c,$$

a ovo je nejednakost (6).

Najzad ćemo dokazati generalizovanu nejednakost koja glasi

$$\frac{a^n}{b+c-a} + \frac{b^n}{c+a-b} + \frac{c^n}{a+b-c} \geq 3\left(\frac{a+b+c}{3}\right)^{n-1}, \quad (9)$$

gdje su $a, b, c > 0$ i $n \in \mathbb{N}$.

Dokaz. Ideju za ovaj dokaz ćemo preuzeti iz Dokaza 4. nejednakosti (6), tj. koristićemo Jensenovu nejednakost. Uzećemo funkciju: $f : (0, s) \rightarrow (0, +\infty)$ koja glasi

$$f(x) = \frac{x^n}{2(s-x)}; \quad (0 < x < s).$$

Kako je

$$f''(x) = \frac{x^{n-2}}{(s-x)^3} \left[(n-2)(n-1)x^2 - 2s(n-2)x + 2s^2(n-1) \right]$$

i vrijedi $f''(x) > 0 \quad \forall x \in (0, s)$ i $n \in \mathbb{N}$.

(Lako se provjeri da je izraz u srednjoj zagradi (kvadratni trinom) uvijek pozitivan pa je funkcija f konveksna).

Sada, na osnovu Jensenove nejednakosti, dobijamo

$$\begin{aligned} \frac{a^n}{2(s-a)} + \frac{b^n}{2(s-b)} + \frac{c^n}{2(s-c)} &= \frac{a^n}{b+c-a} + \frac{b^n}{c+a-b} + \frac{c^n}{a+b-c} \geq \\ &\geq 3f\left(\frac{2s}{3}\right) = 3 \cdot \frac{\left(\frac{2s}{3}\right)^n}{2\left(s-\frac{2s}{3}\right)} = 3\left(\frac{2s}{3}\right)^{n-1} \\ &\Leftrightarrow \frac{a^n}{b+c-a} + \frac{b^n}{c+a-b} + \frac{c^n}{a+b-c} \geq 3\left(\frac{a+b+c}{3}\right)^{n-1}, \end{aligned}$$

a ovo je nejednakost (8) koju je trebalo dokazati.

Vrijedi jednakost u (8) ako i samo ako je $a = b = c$ (jednakostranični trougao).

L I T E R A T U R A

- [1] Arslanagić, Š., *Matematika za nadarene*, Bosanska riječ, Sarajevo, 2004.
- [2] Arslanagić, Š., *Matematička čitanka*, Grafičar promet d.o.o., Sarajevo, 2008.
- [3] Bottema, O. and oth., *Geometric Inequalities*, Wolters-Noordhoff Publishing, Groningen, 1969.
- [4] Cvetkovski, Z., *Inequalities*, Springer-Verlag, Berlin/Heidelberg, 2012.